

**TULAFONO TAU FAAOFI O TEUTEUGA O LE
TULAFONO O PUIPUIGA MAI TUPE E FAAOFI
MAI FAASOLITULAFONO 2018**

SAMOA

Faamatalaga e Faamalamalama ai

Sini ma Mafuaaga:

Ua taumafai le Tulafono Tau Faaofi e teuteu le Tulafono o Puipuiga mai Tupe e Faaofi mai Faasolitulafono 2007 (“Tulafono Autu”).

O le sini o le Tulafono Tau Faaofi o le faatinoina lea o noataga a Samoa ma le tausisia o faiga faataatitia faava o malo e tetee atu ai i tupe e faaofi mai faasolitulafono ma taofia ai le faatupeina o faiga faatupu faalavelave, i lalo o le Lipoti o Iloiloga o Taunuuga o Faatinoga a Samoa.

Fuaiupu:

Fuaiupu 1: - ua aiaia ai mo le igoa puupuu ma le aso e amata faamamaluina ai le Tulafono Tau Faaofi.

Fuaiupu 2: - ua teuteuina ai le fuaiupu 2 o le Tulafono Autu ina ia faaofi i ai o fuaitau fou faatasi ma o latou faamatalaga.

Fuaiupu 3: - ua faaofiina ai fuaiupu fou 3B ma le 3C i totonu o le Tulafono Autu, ia e manaomia ai kamupani Tausi Mavaega e faatautaia o suesuega maeaea lelei o tagata o faaaogāina auauunaga, lipotia o gaoioiga faapisinisi o masalomia ma tuuina atu faamatalaga o manaomia e le Pulega o Tupe Faava o Malo a Samoa po o le Pulega o Puipuiga mai Tupe e Faaofi mai Faasolitulafono.

- Fuaiupu 4:** - ua teuteuina ai le fuaiupu 7 o le Tulafono Autu, ina ia tuuina atu ai le malosiaga i le Pulega o Puipuga mai Tupe e Faaofi mai Faasolitulafono, e tuuina atu ai se poloaiga e taofia lē tumau ai, e tusa ai o se gaoioiga faapisinisi ua masalomia.
- Fuaiupu 5:** - ua teuteuina ai le fuaiupu 8 o le Tulafono Autu ina ia aofia ai po o le faatagaina o se pulega agavaa e sainia se feagaiga po o se fuafuaga ma le Vaega o Suesuega Faapitoa o Faamatalaga Tau Tupe mo faamoemoega o le suesueina po o le faia o moliaga o se soligatulafono ogaoga, soligatulafono o tupe faaofi mai faasolitulafono, o le faatupeina o faiga faatupu faalavelave po o se soligatulafono ua faamautuina lona tulaga tutusa ma sea soligatulafono.
- Fuaiupu 6:** - ua teuteuina ai le fuaiupu 13 o le Tulafono Autu ina ia aofia ai o uta oloa po o meli e faasino i tupe ua lipotia i tuaoi ma faapea foi ona siitia ai le faasalaga mo se tagata ua ia solia le fuaiupu. O lenei fuaiupu ua toe faaopoopo ai se isi tagata ua faatagaina i se faiga tusitusia e le Kovana e tusa ai ma le fuaiupu 4(2) e avea ma tagata ofisa faatagaina.
- Fuaiupu 7:** - ua suia ai le fuaiupu 16 o le Tulafono Autu e faasino i le faailoagofieina o le tulaga e iloagofie ai se tagata e faaaogāina auaunaga e le faalapotopotoga tau tupe.
- Fuaiupu 8:** - ua faaofiina ai o fuaiupu fou 16A, 16B ma le 16C i totonu o le Tulafono Autu, e uiga i suesuega maeaea lelei o tagata o faaaogāina auaunaga ma le faaleleia o suesuega maeaea lelei o tagata o faaaogāina auaunaga, e le faalapotopotoga tau tupe.
- Fuaiupu 9:** - ua faaofiina ai le fuaiupu fou 21A i totonu o le Tulafono Autu mo se faalapotopotoga tau tupe e teena ai pe taofia lē tumau ai se gaoioiga faapisinisi i nisi tulaga aliae mai.

- Fuaiupu 10:** - ua faaofiina ai le fuaiupu fou 23A i totonu o le Tulafono Autu, mo faalapotopotoga tau tupe e lipotia ai o gaoioiga faapisinisi o tinotitupe i aofaiga tetele, i le Vaega o Suesuega Faapitoa o Faamatalaga Tau Tupe.
- Fuaiupu 11:** - ua teuteuina ai le Faamatalaga 1 o le Tulafono Autu, ina ia faaofi ai o fuaiupu fou 25 ma le 26.
- Fuaiupu 12:** - ua aiaia ai mo teuteuga faatupulaia i le Tulafono o Tupe Maua Mai i Soligatulafono 2007, o le Tulafono e Taofia ai Faiga Faaterorisi 2014, o le Tulafono o le Faafoega o Lafoga 2012, o le Tulafono o le Inisetiute o Tausitusi a Samoa 2006 ma le Tulafono o Solitulafono 2013.



.....
(Hon SILI Epa Tuioti)

MINISITA O TUPE MA LE MINISITA
E NAFA MA LE FALETUPE TUTOTONU O SAMOA

**TULAFONO TAU FAAOFI O TEUTEUGA O LE
TULAFONO O PUIPUIGA MAI TUPE E FAAOFI
MAI FAASOLITULAFONO 2018**

SAMOA

Faatulagaina o Aiaiga

1. Igoa puupuu ma le amataga
 2. Ua teuteuina le fuaiupu 2
 3. Ua faaofiina fuaiupu fou 3B ma le 3C
 4. Ua teuteuina le fuaiupu 7
 5. Ua teuteuina le fuaiupu 8
 6. Ua teuteuina le fuaiupu 13
 7. Ua suia le fuaiupu 16
 8. Ua faaofiina fuaiupu fou 16A, 16B ma le 16C
 9. Ua faaofiina le fuaiupu 21A fou
 10. Ua faaofiina le fuaiupu 23A fou
 11. Ua faaofiina fuaiupu fou 25 ma le 26 o le Faamatalaga 1
 12. Teuteuga faatupulaia
-

2018, Nu.

O SE TULAFONO TAU FAAOFI UA TAU

O SE TULAFONO e teuteuina ai le Tulafono o Puipuiga mai Tupe e Faaofi mai Faasolitulafono 2007 (“Tulafono Autu”) e faatino ai o noataga a Samoa ma le tausisia o faiga faataatitia faava o malo e tetee atu ai i tupe e faaofi mai faasolitulafono ma taofia ai le faatupeina o faiga faatupu faalavelave, i lalo o le Lipoti o Iloiloga o Taunuuga o Faatinoga a Samoa 2015.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Tulafono o Puipuiga mai Tupe e Faaofi mai Faasolitulafono 2018.
- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le fuaiupu 2:

I totonu o le fuaiupu 2 o le Tulafono Autu, ia faaofi i lona faasologa i le pi faitau faa-Peretania o faamatalaga fou nei ua taua:

“Asia Pasefika/Faalapotopotoga” po o “APG” o lona uiga o se faalapotopotoga faava o pulega Malo lea o lo o avea ai Samoa ma vaega auai, o lo o aofia ai puleaga e 41 o sui auai, o tulimatai le faamautinoaina o le faatinoga lelei e ona sui auai o faiga faataatitia faava o malo a le FATF, e faasaga i tupe e faaofi mai faasolitulafono, faatupega o faiga faatupu faalavelave ma le uunaia o faatupega e fesootai i auupega matautia e fasiotia ma faatamaia ai le ola o le toatele o tagata ma meatotino;

“lē e ona e faamanuiaina ai” o lona uiga o se tagata o ia lea e ona pe na te puleaina se tagata o faia i ai le auaunaga, ae faapena foi i se tagata o avea ma ona sui o faia i ai se feuiaiga faapisinisi, ma e aofia ai i latou o

lo o faatinoina le pulea lelei atoatoa o se tagata po o se fuafuaga faaletulafono;

“sootaga faapisinisi” o lona uiga o se pisinisi, galuega, po o se sootaga tau pisinisi i le va o se faalapotopotoga e lipotia ma se tagata o faaaogāina le auaunaga lea e i ai se vaega o le taimi atoa po o lea ua faamoemoe i ai le faalapotopotoga e lipotia, i le taimi e faamautuina ai le sootaga, ina ia i ai o se vaega o le taimi atoa;

“suesuega maeaea lelei o tagata o faaaogāina auaunaga” o le faagaoioiga lea e faamautinoa ai e se Faalapotopotoga Tau Tupe o lo o latou silafiaina lelei a latou tagata o faaaogāina le auaunaga ma nofoaga o maua mai ai a latou tupe;

“Aufaigaluega Galulue Tau Tupe” po o “FATF” o lona uiga o le faalapotopotoga i le va o faiga Malo na faavaeina i le 1989 e Minisita o puleaga o avea ma Sui Auai ma o ona sini autu o le faatulagaina lea o faiga faataatitia ma uunaia le faatinoga lelei o faiga faaletulafono, faatonutonu ma le faagaoioiga o galuega e tetee atu ai i le faaofi mai o tupe faasolitulafono, o le faatupeina o faiga faatupu faalavelave a le au terrorisi ma isi lamatiaga e fesootai i le tulaga taualoa o faiga faafoe tau tupe faava o malo;

“aofaiga o tinoitupe tetele i feuaiga faapisinisi” o lona uiga o se feuaiga faapisinisi i tinoitupe ua fautuaina e tutusa lona aofaiga ma po o le sili atu i lo le 20,000 tala Samoa;

“tagata ua faailoa i tulaga faaupufai o Malo” o lona uiga:

- (a) o se tagata e toatasi o lo o ia umia, po o sa ia umia i so o se taimi i totonu o le 12 masina ua tuanai, i totonu o so o se atunuu i fafo, se galuega tauave iloga faale-Malo i le tofiga o le -
 - (i) Ao o le Malo po o le Faauluuluga o se atunuu po o se faiga Malo; po o
 - (ii) minisita o se faiga Malo po o se sui usufono sinia o le Palemene e tulaga tutusa; po o
 - (iii) Faamasino o le Faamasinoga o Talosaga, Faamasinoga Sili, po o se Faamasino Sinia e tulaga tutusa; po o
 - (iv) Kovana o le Faletupe Tutotonu po o Faletupe Tutotonu;

- (v) Sui sinia o se atunuu i fafo, amapasa po o se hai komesina; po o
- (vi) Sui i se tofiga maualuga o se vaega-au; po o
- (vii) Taitaifono o se komiti faatino, ofisa sili o pulega, po o ofisa sili tau tupe a, po o so o se isi lava tulaga tofi e i ai sona aafiaga faatusatusa i, so o se matagaluega tau pisinisi a le Malo; ma
- (b) o se sui o le aiga e vavalalata sootaga ma se tagata o taua i le parakalafa (a), e aofia ai -
 - (i) se toalua; po o
 - (ii) se paaga, o ia o se tagata ua faatatauina e le tulafono talafeagai a le atunuu e tutusa lava ma se toalua; po o
 - (iii) se matua; ma
- (c) i le amanaia ai o faamatalaga ua faailoa faalauaitele po o e faigofie ona mauaina -
 - (i) o so o se tagata e toatasi, o ia lea ua iloa e i ai le pule e umia soofaatasi ai i se tulaga e faamanuiaina ai, a se faalapotopotoga faaletulafono, po o se fuafuaga faaletulafono, po o so o se isi sootaga vavalalata, ma se tagata o taua i le parakalafa (a); po o
 - (ii) so o se tagata e toatasi ua na o ia e i ai le pule e umia ai i se tulaga e faamanuiaina ai se faalapotopotoga faaletulafono, po o se fuafuaga faaletulafono lea o lo o iloina le i ai mo le manuia o se tagata ua faamatalaina i le parakalafa (a).

“soligatulafono ogaoga” o lona uiga o se soligatulafono:

- (a) e faasaga i se tulafono a Samoa lea o le a faia ai o se gaoioiga e lē tusa ai ma le tulafono; po o
- (b) e faasaga i le tulafono a se Malo i fafo lea e faapea, afai o le tulafono talafeagai po o se mea ua lē faia na faatulai mai i totonu o Samoa, o le a avea lea o se soligatulafono e ono faia ai o se gaoioiga e lē tusa ai ma le tulafono e faasaga i so o se tulafono a Samoa; po o mo so o se vaitaimi e nofosala ai i le falepuipui po o mo so o se sala tupe; po o

- (c) ua avea o se soligatulafono o le a faatulai mai ai se tupe maua o solitulafono, lea foi e aofia ai so o se soligatulafono i lalo o le vaega o faatupeina faiga a le au terorisi faatupu faalavelave po o le taumafai e faatino ia faiga faatupu faalavelave.

3. Ua faaofiina fuaiupu fou 3B ma le 3C:

I le tuanai ai o le fuaiupu 3A o le Tulafono Autu, ia faaofi e faapea:

“3B. Noataga o se Kamupani tausi mavaega e faafoe ai suesuega maeaea lelei ma lipotia feuaiga faapisinisi ua masalomia:

- (1) E ui lava i le fuaiupu 3A, e ao i se kamupani tausi mavaega ona faatinoina se suesuega maeaea lelei o le tagata o faaaogāina auaunaga, pe afai e manaomia e le Pulega.
- (2) E ao i se kamupani tausi mavaega ona lipotia so o se feuaiga faapisinisi ua masalomia lea e mafai ona tulai mai ona o se taunuuga o le faafuaiupu (1) i le Vaega o Suesuega Faapitoa o Faamatalaga Tau Tupe mo auiliiliga ma so o se isi suesuega atili.

3C. Noataga o se Kamupani tausi mavaega e tuuina atu ai faamatalaga manaomia:

- (1) I le noatia ma le fai fuafua i le fuaiupu 3, e ao i se kamupani tausi mavaega ona tuuina atu so o se faamatalaga e pei ona manaomia e le Pulega o Tupe Faava o Malo a Samoa po o le Pulega e mautinoa ai le tausisia o le Tulafono.
- (2) O se kamupani tausi mavaega ua ia lē mafai ona usitaia le faafuaiupu (1), ua faia o se soligatulafono ma e noatia i se vaitaimi tau faasalaga i le falepuipui e lē silia le lima (5) tausaga.”.

4. Ua teuteuina le fuaiupu 7:

Ua teuteuina le fuaiupu 7 o le Tulafono Autu e faapea:

- (a) mo le faafuaiupu (2), ia suia e faapea:

“(2) Afai ua i ai i le Vaega o Suesuega Faapitoa o Faamatalaga Tau Tupe ni mafuaaga talafeagai e masalomia ai e faapea o se gaoioiga tau pisinisi po o se gaoioiga tau pisinisi o lo o fuafuaina e mafai ona:

(a) aafia ai tupe e maua mai i soligatulafono ogaoga, se soligatulafono o tupe e faaofi mai faasolitulafono po o se soligatulafono o le faatupeina o faiga faatupu faalavelave; po o

(b) e aveva o se tapenaga i le soligatulafono o le faatupeina o faiga faatupu faalavelave,

e mafai, e ala i se poloaiga a le Pulega, ona taofia mo se taimi lē tumau e aunoa ma le faatuai, o vaegatupe ua aafia ai i lea gaoioiga faapisinisi po o se gaoioiga faapisinisi o lo o taumafai e faatino.”.

(b) mo faafuaiupu (3) ma le (4), ia suia e faapea:

“(3) E mafai e le Pulega, e ala i se poloaiga i lalo o le faafuaiupu (2), ona faatonuina se faalapotopotoga tau tupe ina ia lē faia le faatinoga o lena gaoioiga faapisinisi po o le gaoioiga faapisinisi ua taumafai e faatino po o so o se isi gaoioiga faapisinisi e tusa ai o vaegatupe ua aafia mo se vaitaimi ua fuafuaina e le Pulega, ina ia avanoa ai le Vaega o Suesuega Faapitoa o Faamatalaga Tau Tupe e:

(a) faia so o se suesuega talafeagai e uiga i le gaoioiga faapisinisi po o le gaoioiga faapisinisi o lo o taumafai e faatino; ma

(b) afai e manatu le Vaega o Suesuega Faapitoa o Faamatalaga Tau Tupe ua talafeagai ai, ia feutagai ma pe fautuaina le lala sooupu talafeagai o lo o faamalosia le tulafono, e uiga i le suesuega.

(4) E faatoa mafai lava e le Pulega ona aveesea le poloaiga e taofia lē tumau ai pe afai:

- (a) ua faatatauina e le Vaega o Suesuega Faapitoa o Faamatalaga Tau Tupe e faapea, o le gaoioiga faapisinisi ua le o toe masalomia; po o
- (b) ua poloaiina e le Faamasinoga ina ia faapea ona aveesea o lea poloaiga.”.

5. Ua teuteuina le fuaiupu 8:

Ua teuteuina le fuaiupu 8 o le Tulafono Autu e faapea:

- (a) i le fuaiupu 8(1)(c), mo le faailoga piriota i le faaiuga o le parakalafa, ia suia e faapea “; po o”; ma
- (b) i le tuanai ai o le fuaiupu 8(1)(c) ia faaofi:
 - “(d) se pulega agavaa.”.

6. Ua teuteuina le fuaiupu 13:

Ua teuteuina le fuaiupu 13 o le Tulafono Autu e faapea:

- (a) i le fuaiupu 13(1) -
 - (i) i le tuanai ai o le upu “uta,” ia faaofi upu “uta oloa po o meli”;
 - (ii) mo upu “100 iunite tau faasalaga” ma upu “5 tausaga” ia suia i upu “200 iunite tau faasalaga” ma upu “10 tausaga”; ma
- (b) i le fuaiupu 13(2)(e), i le tuanai ai o upu “Vaega o Suesuega Faapitoa o Faamatalaga Tau Tupe;” ia faaofi le upu “po o”; ma
- (c) i le tuanai ai o le fuaiupu 13(2)(e) ia faaofi:
 - “(f) se tagata ua faatagaina i se faiga tusitusia e le Kovana e tusa ai ma le fuaiupu 4(2).”.

7. Ua suia le fuaiupu 16:

Mo le fuaiupu 16 o le Tulafono Autu, ia suia e faapea:

“16. Ia faailoa mautinoa e faalapotopotoga tau tupe le tulaga e iloagofie ai le tagata e faaaogāina auaunaga:

- (1) E tatau ona manaomia le faalapotopotoga tau tupe e faailoa mautinoa le tulaga e iloagofie ai se tagata e faaaogāina auaunaga o faapea ona faaaogāina pepa aloaia na mauaina muamua po o pepa aloaia o faasinomaga na maua mulimuli i so o se itu e talafeagai ai, ma ia faamalieina i le tulaga e iloagofie ai le tagata o faaaogāina auaunaga pe afai:
 - (a) e faavaeina se sootaga faapisinisi; po o
 - (b) le faafoeina o so o se gaoioiga faapisinisi; po o
 - (c) o lo o masalomia se soligatulafono o tupe e faaofi mai faasolitulafono po o le faatupeina o faiga faatupu faalavelave; po o
 - (d) ua i ai se masalosaloga i le faalapotopotoga tau tupe e uiga i le tulaga moni po o le tonu atoatoa o le tulaga e iloagofie ai le tagata o lo o faaaogāina auaunaga po o faamaoniga.
- (2) Mo faamoemoega o le faafuaiupu (1), o pepa aloaia nei e maua muamua, e tatau ona faaaogā e faailoa mautinoa ai le tulaga e iloagofie ai se tagata o faaaogāina auaunaga, o ia lea o se tagata moni:
 - (a) se uluai ata o se tusi folau e le i muta le aogā, i tulaga faalotoifale, faaleatunuu ma atunuu i fafo; po o
 - (b) se ata o se laisene avetaavale e le i muta le aogā; po o
 - (c) so o se isi faamatalaga molimau o le tulaga e iloagofie ai e pei ona mafai ona fuafuaina i le poloaiga a le Pulega, i le feutagaiga ma faalapotopotoga tau tupe, lea e ono mafai ona suia mai lea taimi i lea taimi e pei ona talafeagai ai.
- (3) Afai e le o umia e le tagata so o se pepa aloaia na mauaina muamua e pei ona taua i le faafuaiupu (2), ona tatau lea ona faamaonia le tulaga e iloagofie ai le tagata e faaaogāina auaunaga, i le faaaogāina o pepa aloaia o fai ma faasinomaga i le tulaga tumaoti, faamatalaga faamauina po o faamatalaga,

ia o lo o taua o pepa aloaia e maua mulimuli ane e pei ona fuafuaina e le Pulega ma e mafai ona suia mai lea taimi i lea taimi e pei ona talafeagai ai.”.

8. Ua faaofiina fuaiupu fou 16A, 16B ma le 16C:

I le tuanai ai o le fuaiupu 16 o le Tulafono Autu, ia faaofi e faapea:

“16A. Tulaga aliae mai pe a faaaogā faiga faataatitia o suesuega maeaea lelei o tagata e faaaogāina auaunaga:

E ao i se faalapotopotoga tau tupe ona faafoe faiga faataatitia o suesuega maeaea lelei o tagata e faaaogāina auaunaga, i tulaga nei e aliae mai:

- (a) pe afai e faavaeina e le faalapotopotoga tau tupe se sootaga faapisinisi ma se tagata fou e faaaogāina auaunaga;
- (b) pe afai e taumafai se tagata e faaaogāina auaunaga e faafoe se gaoioiga faapisinisi e faatulai mai faavaitaimi po o se gaoioiga e ala mai i le faalapotopotoga tau tupe;
- (c) pe afai, e tusa ai o se tagata o faaaogāina auaunaga i le taimi nei, ma e tusa ai ma le tulaga o lamatiaga o aafia ai -
 - (i) sa i ai o se suiga matuia i le uiga po o le faamoemoe o le sootaga faapisinisi; po o
 - (ii) ua manatu le faalapotopotoga tau tupe e faapea e le o atoatoa ni faamatalaga o i ai e uiga i le tagata e faaaogāina auaunaga; po o
 - (iii) so o se isi tulaga aliae mai ua faamaotiina e ala i Tulafono Faatonutonu.

16B. Tulaga faataatitia o suesuega maeaea lelei o tagata e faaaogāina auaunaga: faamaoniga o manaoga o tulaga e iloagofie ai:

E ao i se faalapotopotoga tau tupe ona:

- (a) faia laasaga uma talafeagai e faamalieina ai o ia lava e faapea o faamatalaga ua mauaina i lalo o le fuaiupu 16 e sao atoatoa; ma

- (b) e tusa ai ma le tulaga o lamatiaga e aafia ai, ia faia o laasaga talafeagai e faamaonia ai o so o se faailoga e iloagofie ai le tagata e ona e faamanuiaina ai, ina ia faamalieina ai le faalapotopotoga tau tupe e faapea na te iloa lē e ona e faamanuiaina ai; ma
- (c) afai o lo o galue se tagata e aveia ma sui o le tagata o faaaogāina auaunaga, e tusa ai ma le tulaga o lamatiaga o aafia ai, ia faia o laasaga talafeagai e faamaonia ai le tulaga e iloagofie ai le tagata ma le pule faataga e galue ai e aveia ma sui o le tagata o faaaogāina auaunaga ina ia faapea ona faamalieina ai le faalapotopotoga tau tupe e faapea na te iloa ina lelei le tagata lea ma ua i ai i lea tagata le pule faataga e galue ai e aveia ma sui o le tagata e faaaogāina auaunaga; ma
- (d) ia tuuina atu le faamaoniga a le pulega faafoe sinia pe afai ua faamautuina se sootaga faapisinisi po o se sootaga faaauau (mo tagata o i ai nei o faaaogāina auaunaga) ma se tagata ua faailoa i tulaga faaupufai o Malo; ma
- (e) ia faamaonia so o se isi lava faamatalaga ua faatonuina e tulafono faatonutonu.

16C. Tulaga aliae mai pe afai e faaaogāina se suesuega maeaea lelei o se tagata o faaaogāina auaunaga:

E ao i se faalapotopotoga tau tupe ona faafoe o se suesuega maeaea lelei o se tagata o faaaogāina auaunaga, i tulaga nei e aliae mai:

- (a) pe afai ua faavaeina e le faalapotopotoga tau tupe se sootaga faapisinisi ma se tagata o faaaogāina auaunaga;
- (b) pe afai e taumafai se tagata e faaaogāina auaunaga e faafoe se gaioioiga tau pisinisi e faatulai mai faavaitaimi po o se gaioioiga e ala i le faalapotopotoga e lipotia ma o lea tagata e faaaogāina auaunaga -
 - (i) o se kamupani tausī mavaega po o se isi faiga o taofia ai a seta tau le tagata lava ia;

- (ii) o se tagata o faaaogāina auaunaga e lē nofomau mai se atunuu e lē atoatoa ni faiga faafoe po o ni auala ua faatulagaina e puipuia ai tupe e faaofi mai faasolitulafono ma tetee atu ai i le faatupeina o faiga faatupu faalavelave;
- (iii) se kamupani e i ai le au-fai sea filifilia po o pepa faatumu o sea;
- (c) afai e taumafai se tagata e faaaogāina auaunaga e faafoe, e ala i le faalapotopotoga tau tupe, o se gaoioiga tau tupe lavelave, e lē masani ona siitai tele po o se faasologa e lē masani ai o gaoioiga tau pisinisi lea e leai se faamoemoe mautinoa pe mafai ona iloa i tulaga tau le tamaoaiga po o i le itu faaletulafono;
- (d) afai ua manatu se faalapotopotoga tau tupe e faapea o le itu i lamatiaga e aafia ai ua faapea ona alagata ai ona faaaogā se suesuega maeaea lelei i se tulaga faapitoa e tulai mai;
- (e) pe afai e faia e le Vaega o Galuega Faapitoa Tau Tupe po o le Faalapotopotoga Faava o Pulega Malo a Asia ma le Pasefika, se talosaga aloaia i le Vaega o Suesuega Faapitoa o Faamatalaga Tau Tupe;
- (f) so o se isi lava tulaga aliae mai ua fuafuaina e le Kovana, lea e mafai ona faalēaogāina e le Kovana i so o se taimi.”.

9. Ua faaofiina le fuaiupu 21A fou:

I le tuanai ai o le fuaiupu 21 o le Tulafono Autu ia faaofi e faapea:

“21A. Ia teena po o le taofia lē tumau e le Faalapotopotoga tau tupe se gaoioiga faapisinisi:

- (1) E mafai e se faalapotopotoga tau tupe ona taofia lē tumau po o le teena so o se faaliliuina atu o vaegatupe pe afai:
 - (a) ua lē tuuina atu e le tagata e faaaogāina auaunaga, o faamatalaga uma talafeagai ua manaomia e le faalapotopotoga tau tupe; po o
 - (b) ua ave a o se gaoioiga faapisinisi masalomia.
- (2) E faatoa mafai lava e le faalapotopotoga tau tupe ona toe aloaia ona faaaogā se gaoioiga faapisinisi, pe afai ua

faamalieina o ia e faapea, ua tuuina atu e le tagata e faaaogāina auaunaga o faamatalaga uma ua manaomia po o ua tuuina atu i ai e le Vaega o Suesuega Faapitoa o Faamatalaga Tau Tupe le faamaoniga mo le faaauauina o gaoioiga faapisinisi po o ia tulaga uma e lua.

- (3) E ao i se faalapotopotoga tau tupe ona faatulaga faiga faavae ma taualumaga o tulaga lamatia e uiga i faiga e faatino ai, teena po o le taofia lē tumau o se faaliliuina atu faauaealesi o tupe e leai ni faamatalaga o tagata e faapogai ai sa manaomia po o faamatalaga o le tagata e faamanuiaina ai.”.

10. Ua faaofiina le fuaiupu 23A fou:

I le tuanai ai o le fuaiupu 23 o le Tulafono Autu, ia faaofi e faapea:

“23A. Ia lipotia e faalapotopotoga tau tupe ia gaoioiga faapisinisi o Tinoitupe i aofaiga tetele:

- (1) E ao i se faalapotopotoga tau tupe ona lipotia so o se gaoioiga faapisinisi o tinoitupe i aofaiga tetele i le Vaega o Suesuega Faapitoa o Faamatalaga Tau Tupe.
- (2) E ao i se faalapotopotoga tau tupe ua faapea ona faia se Lipoti, ona tuuina atu foi so o se faamatalaga e faatatau i gaoioiga faapisinisi o tinoitupe i aofaiga tetele, e pei ona manaomia e le Vaega o Suesuega Faapitoa o Faamatalaga Tau Tupe.
- (3) So o se lipoti e tuuina atu i lalo o lenei fuaiupu e ao ona faia i totonu o le pepa faatumu e pei ona faamaonia e le Vaega o Suesuega Faapitoa o Faamatalaga Tau Tupe.”.

11. Ua faaofiina fuaiupu fou 25 ma le 26 o le Faamatalaga 1:

I le tuanai ai o le fuaiupu 24 o le Faamatalaga 1 o le Tulafono Autu, ia faaofi e faapea:

- “25. O Tagata e Tagofiaina po o Tagata e Faalauiloaina tupe initaneti po o tupe eletoroni po o so o se mea e fesootai i tusi tupe initaneti;
26. Faalapotopotoga e Le o se Faalapotopotoga Suetupe a Samoa;”.

12. Teuteuga faatupulaia:

- (1) Ua teuteuina le Tulafono o Tupe Maua Mai i Soligatulafono 2007 e faapea:

- (a) i totonu o le fuaiupu 2 -
 (i) ia faaofi le faamatalaga fou i lona faasologa i le pi faitau faa-Peretania:

““asetā” o lona uiga o asetā o ituaiga taitasi uma, e tusa lava pe o vaai pe le o vaai tino i ai, e mafai ona feaveai po o le lē mafai ona feaveai, e moni po o e lē moni, ma pepa aloaia faaletulafono po o pepa faaletulafono e molimauina ai le igoa i, po o aia i ia asetā;” ma

- (ii) mo le faamatalaina o le upu “meatotino”, ia suia e faapea:

“meatotino” e aofia ai tupe, tupe teuafaifaigaluega, meatotino umia, mea o lo o umia, asetā, meatotino ua faaaogāina po o tagofia i so o se auala e faafaigofie ai, tuuina atu, maua mai, uunaia po o le faatupeina o gaoioiga faatupu faalavelave ua taua i le fuaiupu 3 o le Tulafono e Taofia ai Faiga Faaterorisi 2014 ma isi lava meatotino uma e moni pe tau le tagata lava ia, e mafai ona tuufaasolo pe mafai ona feaveai, e aofia ai mea o lo o aofia i gaoioiga faaletulafono ma isi meatotino lē moni po o meatotino e lē mafai ona vaai tino i ai, i so o se nofoaga o i ai, tusa lava pe o i totonu o Samoa po o se isi nofoaga, i lona atoaga po o sona vaega ma e aofia ai so o se aia i sea meatotino;”;

- (b) i le tuanai ai o le fuaiupu 27 ia faaofi e faapea:

“27A. Meatotino ma Asetā a se Faalapotopotoga Maoti ua Taofia:

- (1) O se faalapotopotoga ua faamaotiina ma po o ua taua e avea o se faalapotopotoga ua faamaotiina i lalo o le Tulafono e Taofia ai Faiga Faaterorisi 2014, o le a tataua loa ona

taofia uma ana meatotino, vaegatupe ma aseta e aunoa ma le faatuai.

- (2) E faatoa mafai lava ona toe faamatuu atu meatotino, vaegatupe ma aseta pe afai:
 - (a) ua aveesea le faalapotopotoga mai le lisi o faalapotopotoga ua faamaotiina o i lalo o le Tulafono e Taofia ai Faiga Faaterorisi 2014; po o
 - (b) ua faaoo atu e se vaega auai, i le agaga lelei se talosaga i le ofisa o le Palemia e sailia ai le aveesea o a latou meatotino mai le poloaiga e taofia ai.
- (3) Mo faamoemoega o le faafuaiupu (2)(b), e mafai e le Palemia ona faia se faaiuga i luga o le fautuaga a le Faauluuluga o le Pulega o Puipuiga mai Tupe e Faaofi mai Faasolitulafono.
- (4) O se faalapotopotoga ua faamaotiina o ia lea ua solia le faafuaiupu (1), ua faia se soligatulafono ma e noatia i le nofosala i le falepuipui mo se vaitaimi e lē silia le lima (5) tausaga.
- (5) I totonu o lenei fuaiupu, “faalapotopotoga ua faamaotiina” e i ai le uiga tutusa i lalo o le fuaiupu 2 o le Tulafono e Taofia ai Faiga Faaterorisi 2014.”.

- (2) Ua teuteuina le Tulafono e Taofia ai Faiga Faaterorisi 2014 e faapea:
 - (a) i totonu o le fuaiupu 2, i le faamatalaina o upu ‘faalapotopotoga ua faamaotiina’, i le tuanai ai o le parakalafa (b), ia faaofi e faapea:
 - “(c) e aofia ai faalapotopotoga ua lisiina e Malo Aafaatasi (taimi ua tuanai ma le taimi nei) e avea ma faalapotopotoga faaterorisi.”;
 - (b) i totonu o le fuaiupu 2, i le faamatalaina o upu ‘meatotino faaterorisi’ -

(i) i le parakalafa (b) i le tuanai ai o upu “faalapotopotoga ua faamaotiina;” ia faaofi le upu “po o”;

(ii) i le tuanai ai o le parakalafa (b) ia faaofi e faapea -

“(c) po o le tuuina atu ma le loto i ai po o le aoina, e ala i so o se faiga, tuusao pe lē tuusao foi, o vaegatupe e tagata o Samoa po o i totonu o latou teritori ma le faamoemoe o le a faapea ona faaaogāina ia vaegatupe, po o i le manatu o le a faapea ona faaaogā nei vaegatupe e faatino ai gaoioiga faaterorisi.”;

(c) i le tuanai ai o le fuaiupu 3(1)(a)(ix), ia faaofi e faapea:

“(x) e aafia ai le aoina po o le tuuina atu o vaegatupe e faasino i le soagalemu o vaalele, meafaitino faaniukilia, ma soligatulafono tau i fausaga mautu o i le fuaiupu 36, e faapena foi vaegatupe mo le faatupulaia o auupega e faatamaia ai.”;

(d) i totonu o le fuaiupu 4(2) i le tuanai ai o le upu “Tulafono” ia faaofi e faapea:

“ma e aofia ai aemaise lava o Iugafono o le Fono a Malo Aafaatasi mo le Puipuiga o le Saogalemu 1267 ma le 1988.”;

(e) i le tuanai ai o le fuaiupu 4, ia faaofi e faapea:

“4A. O le Palemia e faaopoopoina pe aveesea se faalapotopotoga mai le lisi tusia o faalapotopotoga ua faamaotiina:

(1) E mafai e le Palemia, i le faia i luga o le fautuaga a le Pulega, ona faaopoopo pe aveesea se faalapotopotoga ua faamaotiina i lalo o lenei Tulafono i luga o na o mafuaaga talafeagai ma ua tusa ai ma le tulafono, e faapea foi ona iloiloaina ai ma tualumaga a Malo Aafaatasi. E mafai e atunuu mai fafo

ona faaoo atu se talosaga i le Palemia e uiga i so o se mataupu e faatatau i lenei Tulafono.

- (2) Mo le faamoemoe o lenei fuaiupu, o le Pulega e i ai le uiga tutusa o i le fuaiupu 2 o le Tulafono o Puipuiga mai Tupe e Faaofi mai Faasolitulafono 2007.”;

- (f) mo le fuaiupu 45 ia suia upu “, ae vagana ai faasalaga mo soligatulafono i lalo o lea Tulafono,” i upu, “tatau ona”;
- (g) i le tuanai ai o le fuaiupu 16, ia faaofi e faapea:

“16A. Faasaina ona tagofia meatotino a se faalapotopotoga faatulagaina:

- (1) Ua faia e se tagata se soligatulafono o ia lea ua aunoa ma se uiga tatau e tusa ai ma le tulafono po o se mafuaaga talafeagai, e tagofia ai so o se meatotino ua ia iloa, o lea meatotino ua:
- (a) o se meatotino o umia po o faafoe, i se faiga tuusao pe leai foi, e se faalapotopotoga faaterorisi faatulagaina; po o
- (b) se meatotino ua maua mai po o ua faia mai so o se meatotino o le ituaiga ua faamaotiina i le parakalafa (a).
- (2) O se tagata o ia lea ua faia lenei soligatulafono, e noatia i le nofosala i le falepuipui mo se vaitaimi e lē silia le 10 tausaga.

16B. Faasaina ona faaavanoa o auaunaga tau i le faia o meatotino, po o auaunaga tau tupe po o auaunaga e fesootai i ai, i faalapotopotoga faaterorisi faatulagaina:

- (1) E lē tatau i se tagata ona faaavanoa po o le taumafai ia faaavanoa i ai i se faiga tuusao pe leai foi, e aunoa ma se uiga tatau e tusa ai ma le tulafono po o se mafuaaga talafeagai, so o se meatotino po o so o se auaunaga tau tupe

po o auaunaga e fesootai i ai, a lē o le, po o mo le manuia ai o se faalapotopotoga, ua iloa lelei o lea faalapotopotoga ua o se faalapotopotoga faaterorisi faatulagaina.

- (2) O se tagata o ia lea, ua solia lenei fuaiupu ua ia faia se soligatulafono ma e noatia i le nofosala i le falepuipui mo se vaitaimi e lē silia le 10 tausaga.”;

(h) i totonu o le fuaiupu 23(1) -

(i) i le tuanai ai o upu “o ia lea”, ia faaofi upu “ua loto i ai ma e aunoa ma se uiga tatau e tusa ai ma le tulafono po o se mafuaaga talafeagai,”;

(ii) i le tuanai ai o le upu “tupe” ia faaofi upu “ua faamoemoe o le a faapea ona faaaogāina, po o ua iloa lelei o le a faapea ona faaaogaina”;

(i) i totonu o le fuaiupu 23(2)(b), mo upu “1,000 iunite tau faasalaga” ia suia i upu “10,000 iunite tau faasalaga”.

(3) I le tuanai ai o le fuaiupu 77 o le Tulafono o le Faafoga o Lafoga 2012, ia faaofi e faapea:

“77A. Soligatulafono mo le lē totogiina o lafoga:

(1) E lē tatau i se tagata ona aloese po o le taumafai e aloese mai le totogiina o so o se lafoga e mafai ona totogi po o le faia o se gaoioiga po o le taumafai e faia se gaoioiga ua faamoemoe e faapogai ai se faaletonu i le totogiina o so o se lafoga e mafai ona totogi i lalo o so o se tulafono tau lafoga.

(2) O se tagata o ia lea ua solia lenei fuaiupu, ua ia faia se soligatulafono ma e noatia i luga o moliaga ua faamaonia faaletulafono:

(a) pe afai o lē solitulafono, o se tagata, o se sala tupe e lē silia le 100 iunite tau faasalaga ma le tasi (1) le tausaga e nofosala ai i le falepuipui; po o

(b) pe afai o lē solitulafono o se kamupani po o isi faalapotopotoga ua tuu faatasia faaletulafono, o se sala tupe e lē silia le 200 iunite tau faasalaga.”.

- (4) I totonu o le fuaiupu 7(1)(i) o le Tulafono o le Inisetiute o Tausitusi a Samoa 2006, i le tuanai ai o upu, “amio lē pulea tau tomai faapitoa,” ia faaofi upu, “solia o tupe e faaofi mai faasolitulafono ma amioga lē pulea e taofia ai o faiga faaterorisi,”.
- (5) I le tuanai ai o le fuaiupu 152 o le Tulafono o Solitulafono 2013 ia faaofi e faapea:

“152A. Soligatulafono i Tupe e Faaofi mai Faasolitulafono:

- (1) Ua faia e se tagata se soligatulafono i tupe e faaofi mai faasolitulafono pe afai o lea tagata:
- (a) ua auai i se gaoioiga tau pisinisi lea e aafia ai meatotino, ma le iloa lelei po o le i ai o se mafuaaga e talitonuina ai o lea meatotino, o tupe maua mai i soligatulafono; po o
- (b) ua maua mai, umia, faaaogāina, taliaina po o le aumai i totonu o Samoa o meatotino, ma le iloa lelei po o i ai se mafuaaga e talitonuina ai e faapea na maua mai le meatotino i se faiga tuusao pe leai foi mai tupe maua mai i soligatulafono; po o
- (c) ua faaliliu atu po o ua faasee atu meatotino na maua mai i se faiga tuusao pe leai foi mai tupe maua mai i soligatulafono; po o
- (d) ua faaliliu atu po o ua faasee atu meatotino na maua mai i se faiga tuusao pe leai foi mai tupe maua mai i soligatulafono, ma le faamoemoe e natia ai pe faalafi ai lona amataga e lē tusa ai ma le tulafono, o lea meatotino, po o le fesoasoani ai i se tagata o aafia ai i le faia o le soligatulafono ina ia aloese ai i tulaga aliae mai faaletulafono, o ia mea; po o
- (e) ua natia pe faalafi le uiga moni, amataga, nofoaga, faatulagaga, feaveaiga po o le umia o le meatotino na maua mai i se faiga tuusao pe leai foi mai tupe maua mai i soligatulafono; po o
- (f) le tuuina atu o le fesoasoani i so o se isi lava tagata mo so o se itu ua taua i luga.

- (2) O le malamalama, fuafuaga po o le faamoemoe e manaomia, e avea o se vaega tau gaoioiga, ua faasinomia i le faafuaiupu (1), e mafai ona fuafuaina mai tulaga aliae mai o mea moni.
- (3) O se tagata o ia lea e aunoa ma se mafuaaga e tusa ai ma le tulafono po o se mafuaaga talafeagai, ua taumafai po o ua fesoasoani atu, faamalosi atu, fautua atu po o le puipuia o le faia o, po o ia lea ua fuafuaina i se faiga e lē tusa ai ma le tulafono, le faia o le soligatulafono i tupe e faaofi mai faasolitulafono, e nofosala o ia i se soligatulafono.
- (4) E mafai ona faamaonia le nofosala o se tagata i se soligatulafono i tupe e faaofi mai faasolitulafono i lalo o lenei fuaiupu, e ui lava e leai se moliaga ua faamaonia faaetulafono e tusa ai o le solitulafono lea na mafua ai ona tuuaia tupe maua e faapea ua faaofi mai faasolitulafono.

152B. Soligatulafono ua faia e se faalapopotoga o tagata:

Afai ua faia se soligatulafono i lalo o le fuaiupu 152A, e se faalapopotoga o tagata, e tusa lava pe ua tuufaatasia faaetulafono po o e le i tuufaatasia faaetulafono foi, o se tagata o ia lea i le taimi na faia ai le soligatulafono, sa galue i se tulaga aloaia mo po o le avea ai ma sui o sea faalapopotoga o tagata, e tusa lava pe o se faatonu, pule, failautusi po o se isi tagata ofisa faapena, po o na faamoemoe e galue i sea tulaga, o le a tataua ona nofosala i lea soligatulafono, seia vagana ai ua tuuina atu se faamatalaga molimau e faailoa ai e faapea sa faia le soligatulafono e aunoa ma se malamalamaaga, maliega a le tagata po o se faiga na taupulepule i ai e faia.

152C. Faasalaga o le Faaofi mai Faasolitulafono o Tupe:

- (1) O se tagata ua faapea ona nofosala i se soligatulafono i lalo o le fuaiupu 152A e noatia i luga o se moliaga ua faamaonia faaetulafono i se sala tupe e lē silia le 1,000 iunite tau faasalaga, po o le nofosala i le falepuipui mo se vaitaimi e lē silia le 15 tausaga, po o faasalaga uma e lua.

- (2) O se faalapotopotoga o tagata, e tusa lava pe ua tuufaatasia faaletulafono po o e le i tuufaatasia faaletulafono foi, ua faapea ona nofosala i se soligatulafono i lalo o le fuaiupu 152A, e noatia i luga o se moliaga ua faamaonia faaletulafono i se sala tupe e lē silia le 10,000 iunite tau faasalaga.”.
-